

PEMANTAPAN KEMAHIRAN MATEMATIK UNTUK KEJURUTERAAN AWAM (PEMKA) SIRI 1- *Alahai mudahnya matematik!*

Oleh : Roziah Keria

Program PEMKA yang dijalankan pada 9 April 2021 secara webinar adalah platform kepada pihak PPKA untuk membantu mahasiswa dan mahasiswi lepasan Politeknik semester 1, 2 dan 3 yang sedang menjalani program ijazah Sarjana Muda (EC221) di bawah PPKA. Tujuan utama program ini dianjurkan ialah untuk memantapkan kemahiran matematik asas pelajar dan seterusnya membantu sedikit sebanyak proses pengajian mereka sepanjang tempoh pengajian.

Program ini merupakan anjuran bersama antara Skuad Motivasi & Pembangunan Pelajar PPKA dan Jabatan Sains Komputer dan Matematik (JSKM), di mana penceramah jemputan merupakan pensyarah mahir dalam bidang pengukuhan matematik. Program ini mendedahkan peserta tentang cara kiraan menggunakan kalkulator secara *shortcut* bagi mempersiapkan diri untuk mengambil subjek Matematik Lanjutan dan seterusnya mengaplikasikan kaedah yang sama dalam subjek Kejuruteraan Awam yang lain.

